

КЕНГ ИМКОНИЯТ ВА ЮКСАК САМАРАЛАР

Президентимиз Ислам Каримов раҳнамолигида қишлоқ хўжалигини, боғдорчиликни, хусусан, узумчиликни янада ривожлантиришга алоҳида эътибор қаратилмоқда. Барпо этилаётган интенсив боғлар, узум парваришида, сугоришида янги технологияларнинг кенг жорий этилаётгани юксак самарадорликка эришишда муҳим омил бўлмоқда.



Хотам МАМАДАЛИЕВ (ўса) олган сурат.

риш ҳамда тармоққа инновацион ғояларни татбиқ этишга алоҳида эътибор қаратилмоқда. 2011 йилда мазкур корхоналар тасарруфида 2,9 минг гектар тоқзорлар мавжуд эди. 2013 йилда бу кўрсаткич 4,4 минг гектарга етди. Хусусан, жорий йилнинг баҳорида 468 гектар майдонда янги тоқзорлар барпо этилди. 2015 йилгача тоқзорлар майдони 7,3 минг гектарга етказилади. «Ўзвиносаноатхолдинг» компаниясидан маълум қилишларича, қайта ишлаш корхоналари учун қimmatли саноат хомашёси қизил навли узумларидир. Унинг «Пино», «Рислинг», «Хиндогни» каби навларига талаб юқори. 2012 йилда қайта ишлаш корхоналарида 19,2 минг тонна ноёб, саноатбон узум хомашёси қайта ишланган бўлса, жорий йилда бу кўрсаткичи 30,1 минг, 2014-2015 йилларда 63,5 минг тоннагача етказиш мўлжалланмоқда. Бу эса янги иш ўринлари яратиш, маҳсулот сифатини ва экспорт ҳажминини оширишга хизмат қилади.

«Андижон биокимё», «Денов вино» очик акциядорлик жамиятлари, «Субтропик экинлар маркази», «Меҳнат» агрофирмаси томонидан 120 гектар майдонда томчилатиб сугориш йўлга қўйилди. Узумзорларда кимёвий ишлов самарадорлигини ошириш учун жорий мавсумда «Аида», «ОРПД-12М» ва «Карриола» русумидаги 204 дона паркагич йирик фермер хўжаликлари, агрофирмалар ва туман ўсимликларни химоя қилиш отрядларига етказиб берилди. Тошкент вилоятининг Қибрай туманидаги «Кўёш нури» масъулият чекланган жамиятида, Фарғона вилоятининг Фарғона туманидаги «Миндонобод агросаноат» агрофирмаси қандаш кўчатхоналар ташкил этилди. Тоқлар учун шпалер ишлаб чиқариш цехлари – «Миндонобод агросаноат», «Меҳнат», «Мусаллас» агрофирмаларининг кувати оширилди. «Андижон биокимё», «Янгийўл биокимё» очик акциядорлик жамиятларида янги цехлар ишга туширилди.

Узумчиликка ихтисослашган туманларда фермерларга қўрсатилган сервис хизматларини янада такомиллаштириш мақсадида «Консалтинг-техник хизмат» марказлари ташкил этилмоқда. Дастлабки шундай марказлар Паркент, Бахмал ва Олтинсой туманларида ишга туширилди ва улар ихтисослашган замонавий қишлоқ хўжалик техникаси билан тўла жиҳозланди. Жаҳон бозорида харидоригри, истиқболли саноатбон узум навларини кўпайтириб, ноёб хомашё базасини яратиш мақсадида илмий-тадқиқот институтлари билан яқин ҳамкорлик йўлга қўйилган. «Мева-шарбат» боғдорчилик, узумчилик ва виночилик илмий-тадқиқот институти коллекциясидаги истиқболли тоқ кўчатларидан намуналар олиниб, кўпайтириш чоралари кўрилади. «Агостенга», «Шардоне», «Мурведер», «Рубиновий», «Будешури», «Цванне», «Прима», «Мускат вира» навлари шулар сирасидандир.

Узумчиликка ихтисослашган фермер хўжаликлари билан ўзаро ҳамкорликни кучайтириш, уларнинг моддий манфаатдорлигини ошириш чоралари кўрилади, сифатли хомашё етказиб берувчилар муттасил рағбатлантирилмоқда. Ҳар йили мавсум боши ва якунида қайта ишлаш корхоналари, агрофирма ва фермер хўжаликлари раҳбарлари иштирокида семинар-раёхашлар ўтказилмоқда. Тошкент вилояти Қибрай туманидаги «Настарин-Жамин» фермер хўжалиги саноатбон тоқ кўча-ти етиштиришга ихтисослашган. Айна пайтда мавжуд олти гектар майдонда қайта ишлаш корхоналарининг технологик талабларига мос «Каберне», «Алеатико», «Саперави», «Ркацители», «Хиндогни» каби ички ва ташқи бозорда харидоригри саноатбон навлар билан бира қўраки узумлар ҳам кўпайтирилмоқда.

Сайёра ШОЕВА, Ўза муҳбири.

Самарқанд Вилояти Пастдарғом туманида «Elbek TRJ» кўп тармоқли ишлаб чиқариш-савдо фирмаси томонидан ипак тола ишлаб чиқариш йўлга қўйилди.

ПИЛЛАДАН СИФАТЛИ ИПАК ТОЛА

Маҳаллийлаштириш дастурига мувофиқ «Ҳамкорбанк»нинг вилоят филиали томонидан ажратилган имтиёзли кредит ҳисобига хориждан замонавий технология келтирилиб, туман меҳнаткашлари етиштирган пиллаи шу ерда қайта ишлаш имконияти яратилди.

— 124 минг долларлик мазкур технология ёрдамида йилига 50-60 тонна пиллани қайта ишлаш мумкин, — дейди корхона раҳбари Тоҳир Раҳмонов. — Маҳсулотни юртимиз ва хориждаги тўқимачилик корхоналарига етказиб бериш кўзда тутилган. Айна пайтда Хитой, Жанубий Корея, Хиндистон давлатларидаги ҳамкорларимиздан бюртмалар олдик. Яқин истиқболда корхона қувватини ошириш ва шу ернинг ўзига тайёр маҳсулот ишлаб чиқаришнинг режалаштирилган.

Цех ишга туширилиши билан ўттиз нафарга яқин маҳаллий ёшлар доимий иш ўрнига эга бўлди. Уларнинг аксариятини касб-хунар коллежи битирувчилари ташкил этади.

— Пастдарғом маъиший хизмат касб-хунар коллежини битирганман, — дейди корхона ип йиғирувчиси Маҳбуба Ирскулова. — Бу ердаги шарт-шароит ва бошқа имкониятлар барча ишчиларга манзур бўлмоқда.

Ф.ҲАСАНОВ, Ўза муҳбири.

ЭРТАМИЗ БУГУНГИДАН-ДА НУРАФШОН

(Боши 1-саҳифада) Рақамларга мурожаат қиладиган бўлсак, 2003 йилда вилоятдаги мактаб ўқувчиларининг атиги 13,5 фоизи спорт машғулотида жалб қилинган бўлса, 2013 йилда бу кўрсаткич 40,1 фоизни ташкил этади. Болалар ва ўсмирлар спорт мактаблари сони 17 тага кўпайди. Уларнинг 12 таси олимпия захиралари спорт мактабига ҳисобланади. Олимпия спорт турларини ривожлантириш мақсадида 8 та махсус мактаб интернати фаолият кўрсатмоқда. Мактаб ўқувчиларини оммавий равишда спортга жалб қилиш бўйича олиб борилган ишлар натижасида бир кунда битта спорт иншоотидан фойдаланиш вақти 9,4 соатга ўсди. Утган йил мобайнида вилоятда умумтаълим мактаблари ўртасида 428 та тадбир ўтказилиб, уларда 92 минг 451 нафар ўғил-қиз иштирок этади.



Тоғир ИСТАТОВ (ўса) олган сурат.

ўқитилиши ёш авлод камолотида нақадар катта ўрин тутганини изоҳлашга ҳолат бўлмас керак. Мазкур қарорнинг ижросини таъминлаш борасида ҳам бир қатор ишлар амалга оширилмоқда.

Вилоятимиздаги таълим муассасаларининг чет тили фанлари ўқитувчилари Давлат таълим стан-

дартлари асосидаги ўқув дастурлари ҳамда бошқа замонавий воситалар, методик қўлланмалар билан тўлиқ таъминланган. 2013 йилда 1719 нафар чет тили фани ўқитувчисининг 1608 нафари малака ошириш курсларида ўз билим ва тажрибаларини оширди. Ҳозир ўқув жараёни компьютер, мульти-

медиа, DVD воситаларидан фойдаланган ҳолда ўқувчиларнинг ёшига мос тарзда ўйин методлари, янги дидактик материаллар, кўргазмали куроллар асосида олиб борилмоқда. Маълумки, ҳар йили таълим муассасаларининг рейтингини аниқлаш мақсадида ўқувчилар ўртасида фанлар бўйича «Билимлар беллашуви» танлови ўтказилиши анъанага айланди. Мана икки йилдирки, вилоятимиз ўқувчилари тадбирнинг республика босқичида етакчиликни қўлдан бермай келишмоқда. «Йилнинг энг яхши фан ўқитувчиси» кўрик-танловининг якуний босқичида иштирок этган ўқитувчиларимиз фахрли ўринларга эга бўлиши ҳамда уларнинг тажрибалари республика мактабларида оммалаштирилди.

Вилоятдаги «Баркамол авлод» болалар марказлари жамоалари ҳам республика миқёсида ўтказиб келинаётган «Конституциямиз – гуруримиз, ифтихоримиз», «Баркамол авлод – келажак пойдевори», «Ёш эколог» каби тадбирларда муносива иштирок этиб келишмоқда.

Ўлмас ҚОРАЕВ, Бухоро вилояти халқ таълими бошқармаси бошлиғи.

Наманган Вилояти

МУКОФОТЛАНГАНЛАР ҲАҚИДА ҲИКОЯЛАР

МЕҲНАТИДАН ШУҲРАТ ТОПГАН АЁЛ

Мамлакатимиз Мустақиллигининг 22 йиллиги байрами арафасида Президентимиз Ислам Каримов Фармонига биноан Янгиқўрғон тумани «Бош пиллаҳона» масъулияти чекланган жамияти бош агрономи Дилбархон Сотволдиева «Ўзбекистон Республикасида хизмат кўрсатган пиллачи» унвони билан тақдирланди. Бу хушxabар Янгиқўрғон бўйлаб тарқалган, кўпчилиكنинг хаёлида беихтиёр унинг отаси Холмирза Сотволдиевнинг ёрқин хотираси намён бўлди.

Гап шундаки, Холмирза Сотволдиев кўп йиллар давомида туман қишлоқ ва сув хўжалиги бўлимида фидокорона ишлаб, «Ўзбекистон Республикасида хизмат кўрсатган ирригатор» унвонига сазовор бўлган эди. Орадан йиллар ўтиб, унинг қизи Дилбархон ҳам мустақил юртимизнинг юксак унвонига эга бўлди.

— Оиламизда олти қиз бўлиб, учинчиси мен эдим, — деб эслайди Дилбархон. — Урта мактабни битириб, Наманган қишлоқ хўжалиги техникуми, ҳозирги Наманган агросаноат касб-хунар коллежига ўқишга кирдим. Қишлоғимиздаги машҳур пиллачилар оиласига келин бўлиб узатилдим. Қайнонам Барнохон Раҳмонова ипак курти парваришлаб, ўз меҳ-



Илғор пиллачи, тажрибали мутахассис Дилбархон Сотволдиева ҳар бир тадбирни пухта ва ўз вақтида ўтказсади. Унинг иш юритиши ҳамкасбларига доимо ўрнак бўлиб келмоқда.

парваришлаб, ундан «кумуш тола» етиштиришнинг ўзи мўъжиза! Пилла етиштириш мавсуми узоғи билан бир ой давом этади. Аммо ўттиз кеча-кундузда қилинган меҳнат бир йилга татайди. Ипак курти уруғини жонлантиришдан тортиб, пилла ҳосилини тарозидан ўтказиб, ғалвирини сувдан кўтаргунча бўлган иш жараёни назорат қилиб, пиллачилардан ўта ҳушёрликни талаб этади. Дилбархон Сотволдиева мазкур жараёни пухта ўзлаштиргани билан туманда ном қозонди.

Жорий йил янгиқўрғонлик пиллачилар учун муваффақиятли келди. Улар уч минг қути ипак курти уруғидан режадаги 159,5 тонна ўрнига 161,8 тонналик «кумуш тола» хирмонини яратди. Етиштирилган ҳосилнинг асосий қисми юқори навларга қабул қилинган бў борада интнмай изланиб, янгилик сари интибли ишалаётган Д.Сотволдиева каби малакали мутахассисларнинг самарали меҳнатидан далолатдир.

Маъмур МУСУЛМОНОВ, «Qishloq hayoti» муҳбири.

бархондаги ўз касб-корига бўлган садоқат барча муаммоларни орта сурди.

— Дилбархондаги ғайрат-шижоат, айна пайтда унинг омиликорлик билан иш юритишини

қўриб, беихтиёр ҳавасим келади, — дейди ҳудуд агрономи Раҳиммахон Хуринова. — Ипак курти

ТИНЧЛИК ВА ОБОДЛИК

БАРҚАРОР ДЕМОКРАТИК ТАРАҚҚИЁТГА ЭРИШИШДА ДОЛЗАРБ АҲАМИЯТГА МОЛИК

Эзотерик манбаларда айтилишича, ҳар бир одам тинчлик ва хотиржамликка муттасил интилиши орқали бутун борлик эзуликнинг ҳаётбахш қувватларини таратиши мумкин. Тиббий-ижтимоий йўналишда тадқиқотлар олиб борувчи олимларнинг сўзларига қараганда, тинчлик ва хотиржамлик одамнинг руҳий-физиологик ҳолатлари ҳамда ҳулқий-коммуникатив хусусиятларини раббатлантиради. Бу эса шахсий саломатлиқни мустаҳкамлаш ва шахслараро муносабатларда самимийликни сақлашда бағоят фойдалидир.

Нуроний отахону онахонларимиз қўлларини дуога очиб, Парвардигордан, аввало, барчага тинчлик ва хотиржамлик тилашида одамлар ўртасидаги қарама-қаршиликларга барҳам беришдек эзгу ният мужассам. Чунки бой ҳаётий тажрибага эга кексаларимиз бир кун жанжал бўлган жойдан қирқ кун барака кетишини жуда яхши билишади.



Бу эса мамлакатимизда қарор топган тинчлик-осойишталикка таҳдид солиш билан бирга, демократик ислохотларни янада чуқурлаштириш жараёнига салбий таъсир кўрсатмай қолмайди.

Таъкидлаш жоизки, бугунги кунда дунё миқёсида Марказий Осиё миқёсида қарама-қаршилик ва қонли тўқнашувлар тобора кучайиб бораётганини кўриб, кузатиб, беғамлик ва беларволикка йўл қўймасдан, ҳушёрлик ва уйғоқлик билан яшашни ҳаётнинг ўзи барчамиздан талаб этмоқда.

Давлатимиз раҳбари мустақиллигимизнинг 22 йиллигига бағишланган тантанали маросимдаги таъбир сўзида таъкидлаганидек, бугун биз бошимиздан кечираётган нотинч ва таҳликали замонда турли минтакаларда, ён-атрофимизда қарама-қаршилик ва қонли тўқнашувлар тобора кучайиб бораётганини кўриб, кузатиб, беғамлик ва беларволикка йўл қўймасдан, ҳушёрлик ва уйғоқлик билан яшашни ҳаётнинг ўзи барчамиздан талаб этмоқда.

ОСОЙИШТА ЮРТДА ФАРОВОН ҲАЁТ

Президентимиз Ислам Каримов раҳнамолигида мустақиллик йилларида амалга оширилаётган кенг қўламли ислохотлар замирида муқаддас Ватанимизни ҳар томонлама обод қилиш, халқимизнинг эркин ва фаровон ҳаёт кечиршини таъминлашдек улғу ва эзгу мақсад мужассам. Бунга тўлақонли эришиш учун мамлакатимизда қарор топган тинчлик ва осойишталикни тобора мустаҳкамлаш барчамизнинг энг устувор вазифамиздир.

Ўзбекистон танлагани йўл — инсон ҳуқуқ ва эркинликларини, унинг қонуний манфаатларини тўлиқ ҳимоя қилиш ҳамда кафолатлашга қаратилган демократик ислохотларни янада чуқурлаштириш ва фуқаролик жамиятини ривожлантириш йўлидир.

Мамлакатимизда барқарор тараққиёт суръатларининг таъминланганини 2000 йилга нисбатан ялпи ички маҳсулот 3,1 баробар, аҳоли жон бошига ҳисоблаганда 2,6 карра ўсгани, экспорт ҳажми 4,4 баробар, номинал иш ҳақи солиштирма нархларда 22 марта, пенсияларнинг ўртача миқдори 12,7 баробар ошгани, аҳоли жон бошига тўғри келадиган реал да-

ромад эса 8,4 баробар кўпайгани мисолида ҳам кўриш мумкин.

Президентимиз томонидан иш-лаб чиқилган ва барча соҳада кенг қамровли таркибий ўзгаришларни амалга оширишга йўналтирилган тараққиётнинг "ўзбек модели" мамлакатимизни жаҳон молиявий-иқтисодий инқирозининг салбий оқибатларидан ишончли химоя қилиб, дунёдаги санокли давлатлар қаторида иқтисодий ва ижтимоий ривожланишини барқарор суратларини таъминлаш имконини бермоқда. Сўнги етти йил давомида республикамизда ялпи ички маҳсулот ҳажми 8 фоиздан кам бўлмаган суръатлар билан ошиб бораётгани бунга яққол далилдир.

Бугун юртимизда яшаётган ҳар бир одам, ҳар қайси оила ўзининг орзу-умидлари рўёбга чиқаётганидан, шаҳар ва қишлоқларимиз обод, ҳаётимиз фаровон бўлиб бораётганидан беҳад мамнун.

Мамлакатимизда оилаларнинг 98,5 фоизи ўз уй-жойи ёки квартирасига, қишлоқларда яшаётган оилаларнинг 97,5 фоизи шахсий томорқасига эга, ҳар учта оиланинг биттасида автомобиль мавжуд экани, деярли учинчи юрдошимиз интернет тармоғидан фойдаланаётгани фаровонлигимиз намойишидир.

Биргина Обод турмуш йилида аҳоли ҳаёт даражаси ва сифатини ошириш учун барча манбалар ҳисобидан ҳозиргача 3,4 триллион сўмдан ортиқ маблағ йўналтирилди. Натижада 554,4 мингта иш ўрни, жумладан, қишлоқ жойларда 334,4 мингта янги иш ўрни ташкил қилинди.

Буларнинг барчаси тинчлик ва ободлик самарасидир. Биз жамиятимизда аҳилилик ва ўзаро меҳроқибат муҳитини мустаҳкамлаганимиз сари унинг самарасидан тобора кўпроқ баҳраманд бўламиз.

Сайидодил САЙИДИСЛОМОВ

ЎЗРО НИЗОЛАШУВНИНГ АЯНЧЛИ ОҚИБАТЛАРИ

Ҳозирги тез ўзгарувчан дунёда йирик давлатлар манфаатларининг ўзаро тўқнашуви баъзи минтакаларда этник ва конфессиялараро тафовитлар негизда қарама-қаршиликларни тобора кучайтираётгани, шу тарихқа янги кескинлик ўчоқларини юзага келтириётгани қалби уйғоқ, соғлом фикрловчи, келахакка ишонч билан қаровчи ҳар бир одамни жиддий ташвишлантирмоқда.

— Уруш қандай мақсадда олиб борилмасин, барибир дахшатли асорат қолдиради, — дейди Тошкент вилояти Юқори Чирчиқ туманидаги Кавардон қишлоғида яшовчи меҳнат фахрийиси Қулмаҳамат Абдуллаев. — Бизнинг болалигимиз Иккинчи жаҳон уруши йилларига тўғри келган. Уша таҳликали даврнинг турмуш машаққатларини катталар билан барабар зиммамизга олганмиз. Уларнинг кўзларидида изтироб ва дамандуҳларни кўриб, беғубор болалик қувончларини тўлиқ ҳис қилмай, эрта улғайдик. Шунинг учун урушнинг асоратидан ҳозиргача юрагимиз увишади.

Давлатимиз раҳбарининг "Ўзбек халқига тинчлик ва омонлик керак" деб номланган рисоласида куйидаги фикрлар бор: "Тинчлик ва осойишталик йўқ жойда барака бўлмайди. Тинчликсиз ривожланиш бўлмайди, ривожланишсиз эса келахак ҳам бўлмайди". Айнан шу боис, тинчлик учун кураш — башариёт келажак учун кураш демакдир.

Фақат сўнги ўш йилликдаги урушлар ҳақида сўз юритганда, қанчадан-қанча одамларнинг қони тўкилганини, қанчадан-қанча маблағларнинг беҳуда совурилганини аниқ далиллар асосида кўриб чиқиш мумкин.

Қашшоқлик ва танглик билан боғлиқ муаммоларни ўрганувчи "Oxfam International" халқаро ташкилоти маълумотларига кўра, Биринчи жаҳон урушида ҳалок бўлганлар сони 10 миллиондан ортиқ, яраланганлар сони эса 20

миллионга яқин экан. 1914-1918 йилларда дунёни ларзага солган урушнинг сарф-харажатлари 208 миллиард АҚШ долларини ташкил этган. Иккинчи жаҳон уруши давомида 55 миллиондан ортиқ киши қурбон бўлган, 95 миллионга яқин киши эса жараҳатланган. Айтиш жоизки, биргина юртимиздан 1 миллион 500 минг киши бу урушда қатнашган бўлса, улар орасидан қарийб 500 минг ватандошимиз қайтмаган. 1939-1945 йилларда дунё халқларининг ҳаловатини бузиш учун 1 триллион 380 миллиард АҚШ доллари сарфланган. Холбуки, ўз даврида шунча маблағлар ҳисобига ер юзидида бошпанасиз одамлар учун уй-жойлар қуриб, уларнинг турмушини обод қилиш ёки дашту биёбонларни бозу бўстонга айлантириш мумкин эди.

"Oxfam International" ташкилоти вакиллари Францияда чоп этилаётган "Le Figaro" нашрига берган интервьюсида Африкадаги 23 та давлат 1991-2006 йиллар давомида турли қуроли можаболарда қатнашгани оқибатида қитъа иқтисодиётига ҳар йили ўртача 18 миллиард АҚШ доллари қийматида зарар етказилганини маълум қилган. Ўзаро низолашув туфайли ушбу давлатларда болалар ўлими 50 фоизга, тўйиб овқат емайдиغان кишилар сони 15 фоизга кўпайган, одамларнинг ўртача умр кўриши эса 5-10 йилга қисқарган. Вахоланки, қуроли можаболар учун сарфланган маблағлар ўз вақтида қашшоқлик ва танглик билан боғлиқ муаммоларнинг ечимига йўналтирилганда, қитъада тинчлик ва тараққиёт таъминланади.

Шу ўринда қўшни Афғонистондаги Ўзаро низолашув ҳам қарийб 35 йилдан буён давом этаётгани, бундан маҳаллий аҳолининг ҳаёти танг ва ночор бўлиб қолганини таассуф билан айтиш жоиз. Бугун жафоқаш афғон заминидида юзага келаётган ўта қалтис вазият туфайли келгусида этник низолаш янада авж олиб, минтақада турли хавф-хатарлар пайдо бўлиши мумкинлиги истисно этилмапти.

Тошкент Вилояти

Ҳозирда одам савдоси жинояти турли кўринишларда: инсонларни камситиш, уларнинг ҳуқуқларини тан олмаслик, улардан ҳуқуқ ва эркинликларини поймол қилган ҳолда турли мақсадларда фойдаланиш, қул сифатида мажбуран сотиб юбориш, фоҳишаболикка фойдаланиш ва бошқа шаклларда кўплаб учрамоқда.

ОГОҲЛИК ВА БИРДАМЛИК ЗАРУР

Ҳозирги кунда одам савдоси ёки шунга ўхшаш бошқа жиноятчилик турлари тўғрисида аниқ рақамларни келтириш жуда мушкул. Бу ҳолат ушбу жиноятнинг латентлиги, яъни очилмай қолиш даражасининг юқорилиги билан изоҳланади.

Бутун дунёда авж олиб бораётган ҳамда тобора кўпроқ қурбонлар берилётган, аллақачонлар "қора бизнес"нинг энг сердаромад турига айлиниб улгурган ушбу жиноий ҳодиса инсоннинг узвий ва даҳлсиз ҳуқуқларини поймол қиладиган, унинг кадр-қимматини камситадиган ваҳшиёна қилмишидир.

Жамиятда аёллар дискриминацияси, паст даражадаги саводхонлик, коррупция, ёлғон реклама эълонларини тарқатиш ва бошқа ноқонуний ҳаракатлар одам савдосининг ривожланишига олиб келувчи омиллардир.

Одам савдоси бир вақтнинг ўзида ҳам жинсий-криминал, ҳам инсон ҳуқуқларига бевоқиф даҳлдор бўлган масаладир. Ушбу иллат жинсий занжир бўлиб, унга қарши ҳар томонлама кураш олиб борилсагина ибобий натижага эришиш мумкин.

Қулчиликнинг замонавий кўриниши бўлган ушбу жиноят орқали инсон ҳуқуқлари кўпол ҳамда шафқатсизларча бузилади. Ушбу жиноят халқларнинг урф-одатлари, дини ва менталитетига бутунлай зид бўлиб, оқибатда кишиларнинг ўз миллий келиб чиқишини, тарихини ҳамда маънавиятини унутишга олиб боради. Бу жараёнда асосан воёга етмаганлар ҳамда ёшлар жабр кўришини ҳисобга олсак, одам савдоси жинояти миллитнинг келажагига салбий таъсир кўрсатади.

Ҳа, бу каби муаммоларнинг илдизи кўп. Ечими эса бита — огоҳлик. Одам савдосига қарши барчамиз биргаликда курашсак, ақилларимизни, ён-атрофимиздагиларини унинг домига тушиб қолишдан асраган бўламиз.

Алма ТОЖИБОЕВА, Янгийўл тумани 1-сон давлат нотариал идораси нотариуси.

Қашқарё Вилояти

ХАРИДОРГИР МАҲСУЛОТЛАР

Шаҳрисабз туманидаги «Бекзод Саидов» хусусий корхонаси сутни қайта ишлашга ихтисослашган.

Ўнга яқин киши меҳнат қилаётган кичик корхонада замонавий технология асосида кунига уч тонна сут қайта ишланиб, 10 турдаги сифатли маҳсулот тайёрланади. Корхонанинг, айниқса, пишмоқлари жуда харидоригир.

СУРАТДА: ишчи Севара Қўлаева. Жамшид НОРҚОБИЛОВ (Ўза) қалган сурат.



Навоий Вилояти

ЗАМОНАВИЙ ТЕХНОЛОГИЯЛАР САМАРАСИ

«НАВОЙ» ЭРКИН ИНДУСТРИАЛ-ИҚТИСОДИЙ ЗОНАСИДАГИ «ПОЛИЭТИЛЕН ҚУВУРЛАР» ШУЪБА КОРХОНАСИ ФАОЛИЯТИДА САЛМОҚЛИДИР

Мамлакатимизда хорижий сармоядорлар учун қулай инвестициявий муҳит яратилгани кўплаб янги корхоналар ташкил этиш ҳамда ички ва ташқи бозор учун рақобатбардош маҳсулотлар ишлаб чиқариш имконини бермоқда. Хусусан, истиқболли лойиҳалар асосида замонавий ишлаб чиқариш корхоналари фойдаланишга топшириляпти. «Навоий» эркин индустриал-иқтисодий зонасида фаолият юритиб келаятган «Полиэтилен қувурлар» шуъба корхонаси шундай корхоналардан бири ҳисобланади.

2010 йилдан бошлаб «Шўртан газ кимё мажмуаси» УШК қошида иш бошлаган мазкур корхонада Австрия ва Германия давлатларидан келтирилган замонавий технологиялар ёрдамида диаметри 20 мм. дан 250 мм. гача бўлган сув қувурлари ва канализация тармоқлари учун жаҳон талабларига мос 4 турдаги полиэтилен қувурлари ҳамда Италия технологияси асосида бутловчи қисмларни ишлаб чиқарилмоқда.

Маҳсулотларимиз экологик, гигиена ва мувофиқлик сертификатларига эга, — дейди корхона раҳбари Фарход Одилов. — Мажмуани ташкил этилишидан мақсад бозор иқтисодиёти шароитида истеъмолчилар эҳтиёжларидан келиб чиққан ҳолда сифатли

ҳамда импорт ўрнини босувчи рақобатбардош маҳсулотлар ишлаб чиқариш ва халқимизга етказиб беришдан иборат. Асосан, хомашё сифатида «Шўртан газ кимё мажмуаси» УШК да тайёрланган Р - Y 342, Р - Y 456 маркали полиэтилен грануласи ҳамда маҳаллий корхоналарда чиқарилган 40-45 фоизли суперконцентратлардан фойдаланамиз. Ҳозирда маҳсулотларимиз ички бозорда ўз харидорларини топиб, барча вилоятлар, шунингдек, Қорақалпоғистон Республикасига ҳам етказиб берилмоқда.

Ўтган йили корхона томонидан ишлаб чиқариш қуввати бирмунча оширилиб, тайёр маҳсулотлар ҳажми 2011 йилга нисбатан 15 фоизга ўсди. Жорий йил боши-



дан буён эса 395,4 тонна, яъни 2,008 миллиард сўмлик маҳсулот сотилди.

Корхонада фаолият кўрсатаётган 56 нафар ишчи-ходимнинг меҳна-

ти ва саломатлигини муҳофаза қилиш учун барча шарт-шароитлар яратилган. Жумладан, ишчилар йил мавсумларига мос равишда маҳсул кийим-кечаклар билан таъмин-

ланади. Уларнинг ўз вақтида ишга келиб кетишлари учун махсус автобуслар ажратилган. «Шўртан газ кимё мажмуаси» УШК томонидан қабул қилинган жамоа шартнома-сига мувофиқ, меҳнат қилаётган ходимларга қатор ижтимоий имтиёзлар яратилган. Ишчиларнинг сиаҳатгоҳларда дам олишлари учун корхона томонидан тегишли тартибда маблағлар ажратилади. Ўтган йили корхонанинг 3 нафар ходими вилоятда қуриляётган намунавий уй-жойлардан олган бўлса, жорий йилда бу кўрсаткич 16 нафарга етди.

Илғор технологиялар асосида кунига 9 тонна хомашёни қайта ишлаш қувватига эга корхона цехларида иш қизгин. Маҳсулотлар 6-8 дақиқада тайёр ҳолга келтирилиб, сифат кўригидан ўтказилиб, буюртмачиларга жўнатилади.

Мазкур корхона Айдарқўл хавзаси яқинидан ижарага ер олиб, балиқчилик ҳўжалиги ташкил қилишни режалаштирган. Бу орқали ҳам бир нечта янги иш ўринлари яратилиши кўзда тутилмоқда.

Азимжон ХУШВАҚОВ

СОЛИҚ ТИЗИМИ

Мамлакатимизда тадбиркорлик субъектлари учун яратилган қулай шарт-шароит ва имкониятлар, уларга кўрсатиляётган имтиёзлар соҳа тараққиётига хизмат қилмоқда. Шунингдек, хорижлик инвесторларни жалб этмоқда.

ИНВЕСТИЦИЯ ЖОЗИБАСИНИ ОШИРУВЧИ ОМИЛ

Ўзбекистон Республикасининг "Чет эл инвестициялари тўғрисида"ги ҳамда "Чет эллик инвесторлар ҳуқуқларининг кафолатлари ва уларни химоя қилиш чоралари тўғрисида"ги Қонунлари, соҳага оид Президент Фармонлари ва Ҳукумат қарорлари бу борадаги ишларни тақомиллаштиришда муҳим аҳамият касб этмоқда. Шунингдек, бугунги кунда Ўзбекистон Республикаси Солиқ кодексига ҳам хорижий инвестициялар иштирокидаги корхоналар учун амалдаги қонун ҳужжатларига мувофиқ белгиланган имтиёз ва қулайликлар мавжуд.

Хусусан, Президентимизнинг 2005 йил 11 апрелдаги "Тўғридан-тўғри хорижий инвестицияларни жалб этиш ни рағбатлантириш борасидаги қўшимча чора-тадбирлар тўғрисида"ги Фармонида мувофиқ тўғридан-тўғри хусусий хорижий инвестицияларни жалб этадиган иқтисодиёт тармоқлари корхоналари инвестициялар ҳажмидан келиб чиқиб, фойда солиғи, мулк солиғи, ободонлаштириш ва ижтимоий инфратузилани ривожлантириш солиғи, микрофирма ва кичик корхоналар учун белгиланган ягона солиқ тўлови, шунингдек, Республика йўл жамғармасига ўтказиладиган мажбурий ажратмаларни тўлашдан озод қилинган.

Бунда тўғридан-тўғри жалб қилинган хорижий инвестициялар ҳажми 300 минг АҚШ долларидан 3 миллион АҚШ долларигача бўлганда 3 йил муддатга, 3 миллион АҚШ долларидан 10 миллион АҚШ долларигача бўлганда 5 йил муддатга, 10 миллион АҚШ долларидан ортиқ бўлган тақдирда 7 йил муддатга ушбу солиқ имтиёзларидан фойдаланиш мумкинлиги белгиланган.

Давлатимиз раҳбарининг 2012 йил 10 апрелдаги "Тўғридан-тўғри хорижий инвестициялар жалб этилишини рағбатлантиришга оид қўшимча чора-тадбирлар тўғрисида"ги Фармонининг қабул қилиниши эса хорижий инвесторлар ҳамда хорижий инвестициялар иштирокидаги корхоналар учун кафолатлар, имтиёз ва афзалликлар қўламини янада кенгайтирди. Яъни хорижий инвестициялар учун имтиёзлар аввал иқтисодиётнинг 8 та тармоғига тегишли бўлган бўлса, ушбу Фармон билан 2012 йилнинг II чорагидан бошлаб 20 та йўналишдаги иқтисодиёт тармоқларида мазкур имтиёзлар қўлланиладиган бўлди.

Масалан, имтиёздан фойдаланиш учун авваллари корхонанинг устав капиталда хорижий иштирокчиларнинг улуши камиди 50 фоизни ташкил этиши лозим эди, энди бу кўрсаткич 33 фоиз деб белгиланди.

Бундан ташқари, авваллари имтиёзлардан олинган даромаднинг тўлиқ корхонани ривожлантириш мақсадида қайта инвестициялашга йўналтириш лозим эди, эндиликда даромаднинг 50 фоизини ушбу мақсадга йўналтириш, қолган қисмини эса ижтимоий ишлатиш имконияти яратилди.

Бугунги кунда Президентимизнинг 2008 йил 2 декабрдаги Фармони асосида ташкил этилган "Навоий" эркин индустриал-иқтисодий зонаси ҳудудидида алоҳида солиқ ва божхона тартиби жорий этилган бўлиб, иқтисодий зона иштирокчилари учун киритилган тўғридан-тўғри инвестициялар ҳажмига қараб маълум муддатларга солиқ тўловларидан озод қилиш ва пасайтирилган ставкаларда солиқ тўлаш имтиёзлари қўлланилмоқда.

Мазкур имтиёзлар тўғридан-тўғри инвестициялар ҳажми 3 миллион евродан 10 миллион еврогача бўлганда 7 йилга, 10 миллион евродан 30 миллион еврогача бўлганда 10 йилга, 30 миллион евродан ошганда 15 йил муддатга берилиши белгиланган. Шунингдек, кейинги 10 йил давомида юридик шахслардан олинадиган фойда солиғи микрофирмалар ва кичик корхоналар учун ягона солиқ тўлови ставкалари амалдаги ставкаларнинг 50 фоизи миқдориди тўланади.

Аниқ рақамларда айтадиган бўлсак, 2012 йил давомида "Навоий" ЭИИЗ ҳудудидида рўйхатдан ўтган хорижий инвестиция иштирокидаги 9 та корхона 3,983 миллион сўмдан ортиқ, 2013 йилнинг 1-чораги давомида эса 5 та корхона 1,270 миллион сўмдан зиёд миқдоридида солиқ имтиёзларидан фойдаланган.

Бу каби имтиёзлар мамлакатимизда тадбиркорликни ривожлантириш, хорижий инвестициялар иштирокидаги корхоналарнинг экспорт салоҳиятини ошириш, пировардидида юртимиз иқтисодиётини юксалтиришда муҳим омил бўлиб хизмат қилади.

А.СОДИҚОВ, Навоий вилояти Давлат солиқ бошқармаси шўба бошлиғи.

«Камалак»ка аззо бўлишди. Тўйимли ва сифатли, айна пайтда шифобахи. Байрам муборак!



БАРКАМОЛ АВЛОД – ЮРТ ТАЯНЧИ

Бухоро шаҳридаги Бухоро маданий марказида «Камолот» ёшлар ижтимоий ҳаракати ва унинг ҳузуридидаги «Камалак» болалар ташкилотига тантанали аъзоликка қабул қилиш маросими ўтказилди.

Унда шаҳар умумтаълим мактаблари ўқувчиларидан бир гуруҳига «Камолот» ёшлар ижтимоий ҳаракати ва «Камалак» болалар ташкилотига кўчрак нишонлари топширилди. Тадбир доирасида ташкил этилган кўргазмада ўқувчилар яратган миллий ҳунармандчилик буюмлари намойиш этилди, расмлар танловидида эса ёшлар тасвирий санъат борасидаги кўникмаларини синовдан ўтказди.

Тоҳир ИСТАТОВ (ЎЗА) олган суратлар.



Хоразм Вилояти

ОҚ ЖҲҲОРИ КЎЧАТЛАБ ЭКИЛГАНИДА ЯНАДА ЮҚОРИ ҲОСИЛ БЕРАДИ

Хоразмлик миришкорлар томорқа ва бошқа майдонларга оқ жўхори экиб, ундан юқори ҳосил олишининг ҳадисини олишган. Улар яқиндан бошлаб ушбу экинни кўчатлаб экишни йўлга қўйишди. Қарангки, бунинг натижасида ҳосилдорлик 90, ҳатто 100 центнерга етди. Мана оддий мисол, Боғот туманидаги «Камолхон Отахон» фермер хўжалигида ғалладан бўшаган 4 гектар майдонга оқ жўхори кўчатлари ўтқазилганди.



— Бўйи бир метрга етган жўхори кўчатларини далага июнь ойининг 27-кунинда ўтқазини бошлаб, 4-5 кун ичида ишни тамомлади, — дейди фермер Т.Султонов. — Экиннинг ҳолатига қараб озиклантириб ва суғориб турдик. Мана, ҳозир унинг дони пишши арафасида. Хомаки ҳисоб-китобимизга кўра, бу йил 70-80 центнердан дон, 600 центнердан кўк поя олишни мўлжаллаяпмиз. Пояси чорва моллари учун тўйимли озуқа бўлади. Донини сотамиз. Хуллас, бу экин ҳам даромад манбаи.

Воҳада қадимдан экилиб келинаётган бу экинни кўчатлаб экиш тўғрисида тажрибали деҳқон, етук мутахассис, фидойи инсон Ибодулла Искандаров шундай фикр билдирди: — Оқ жўхори алмашлаб экишда муҳим аҳамият касб этади. Ота-бокалимиз пахта, беда ёки кузги бўғдойдан кейин, албатта, оқ жўхори экишган. Воҳада пахта-

БИЛАСИЗМИ?

Жўхори — ғалладошлар оиласига мансуб кўп йиллик ўсимлик. Дони ва ем-хашак учун экилади. Унинг дони озик-овқатда ишлатилади. Ёрма, ун, спирт, крахмал тайёрланади. Таркибида 65-75 фоиз крахмал, 10-15 фоиз оқсил, 3,5 фоизгача ёғ бор. Поясининг ширасида 10-15 фоиз қанд бўлиб, шинни тайёрланади. Жўхорининг 100 килограмм кўк массасида — 23,5, силосида — 22, пичанида — 49,2 озуқа бирлиги бор.

ларда эса 90x90 см кенгликда жўяқ олиб ўтқазилса, амал олгунга қадар нам бериш даражасида сув очилса, яхши ривож олади. Сўнг эҳтиёжга қараб озиклантирилади. Суғориб турилади. Шунда унинг донлари тўлиқ, боши катта поясида қанд моддаси кўп тўпланади.

Хулоса ўрнида шунга айтиш мумкинки, оқ жўхорини кўчатлаб экишнинг ер-сувдан унумли фойдаланишда аҳамияти катта. Қолаверса, унинг дони дастурхонимиз файзига айланувчи таомлар масаллигидир.

Ҳолмурод ҚУРБОНОВ, «Qishloq hayoti» мухбири.

О Реклама ва эълонлар

«UNIVERSAL AUCTIONS INVEST» МЧЖ БУХОРО ВИЛОЯТИ ФИЛИАЛИ ОЧҚ АУКЦИОН САВДОСИГА ТАКЛИФ ҚИЛАДИ!

2013 йил 29 октябрь куни соат 11:00 да ўтказиладиган очқ аукцион савдосига Бухоро вилояти Пешку тумани қишлоқ ва сув хўжалиги бўлими ҳисобидидаги 1996 йилда ишлаб чиқарилган «УАЗ-31514» грузопассажирский русумли, давлат рақами 20 АА 289, бошланғич баҳоси 1 600 000 сўм бўлган автотранспорт воситаси кўйилади.

Мақсуд автотранспорт воситаси 2013 йил 29 октябрь куни сотилмай қолган тақдирда такрорий аукцион савдолари 2013 йил 5 ва 12 ноябрь кунлари соат 11:00 да ўтказилади. Аукцион савдосида иштирок этиш учун талабгорлардан аризаларни мазкур эълон матни чоп этилган санадан бошлаб хар куни (дам оlish кунларидан ташқари) ош соат 9:00 дан 17:00 га қадар Бухоро шаҳри Қарши дарвозаси кўчаси 1-уйда қабул қилинади ва савдо ўтказилишидан 1 (бир) кун олдин тўхтатилади. Аукцион савдосида иштирок этиш учун талабгорлар «Заказат пули тўғрисидаги қелишув»ни имзолагандан сўнг объект бошланғич баҳосининг 15 (ун беш) фоиздан кам бўлмаган миқдорда заказат пулини «Universal auctions invest» МЧЖ Бухоро вилояти филиалининг «Туронбанк» Бухоро вилояти филиалидаги МФО: 00111, СТИР: 302083379, 20208000104932168019 ҳисобрақамига тўлашлари ва кўйида кўрсатилган ҳужжатларни топширишлари керак: аукцион савдосида катнашиш учун юридик шахслардан давлат рўйхатидан ўтказилганлиги тўғрисидаги гувоҳнома нусхаси, агар ваколатли шахс катнашса, ўрнатилган тартибда расмийлаштирилган ишоннома, унинг шахсини тасдиқлайдиган ҳужжат илова қилинган ҳолда; жисмоний шахслардан паспорт нусхаси, заказат пули тўлаганлиги ҳақида тўлов ҳужжати. Иштирокчи кўшимча ҳизматлар кўрсатиш учун тўлов олинади. Аукцион савдоси Пешку тумани қишлоқ ва сув хўжалиги бўлими идорасида бўлиб ўтади. Кўшимча маълумот олиш манзили: Бухоро шаҳар Қарши дарвозаси кўчаси 1-уй. Тел: (+99865) 223-97-14. Гувоҳнома № 004059

Кичик бизнес субъектлари раҳбарлари диққатига!

НАМАНГАН ВИЛОЯТИ ҲОКИМЛИГИНИНГ ЯҲОНА БУЮРТМАЧИ ИНЖИНИРИНГ КОМПАНИЯСИ КЎЙИДАГИ ИШОТЛАРГА ТАНЛОВ САВДОСИНИ ЭЪЛОН ҚИЛАДИ:

Лот-32/1. Наманган вилояти Чортоқ тумани Короскон ҚФЙ Саркор МФИда қурилатган уй-жойлар ҳудудини ободонлаштириш.

Бошланғич нархи ҚҚС билан 136 709 129 сўм, ҚҚСсиз 113 924 274 сўм. Баҳариш муддати 2014 йил 1 июль.

Лот-32/2. Наманган вилояти Чортоқ тумани Короскон ҚФЙ Боғ МФИда қурилатган уй-жойлар ҳудудини ободонлаштириш.

Бошланғич нархи ҚҚС билан 176 332 661 сўм, ҚҚСсиз 146 943 884 сўм. Баҳариш муддати 2014 йил 1 июль.

Лот-32/3. Наманган вилояти Наманган тумани Боғишамол ҚФЙ Қурама аҳоли пунктида қурилатган уй-жойлар ҳудудини ободонлаштириш.

Бошланғич нархи ҚҚС билан 123 127 969 сўм, ҚҚСсиз 102 606 641 сўм. Баҳариш муддати 2014 йил 1 июль.

Лот-32/4. Наманган вилояти Наманган тумани Миришкор ҚФЙ Юқори Ровустон аҳоли пунктида қурилатган уй-жойлар ҳудудини ободонлаштириш.

Бошланғич нархи ҚҚС билан 184 712 919 сўм, ҚҚСсиз 153 927 432 сўм. Баҳариш муддати 2014 йил 1 июль.

Буюртмачи: Наманган шаҳри А. Темур кўчаси 105-уйда жойлашган Наманган вилояти ҳокимлигининг ягона буюртмачи инжиниринг компанияси. Тел: (8-369) 233-53-78, 233-06-11.

Лойиҳани молиялаштириш: Республика йўл жағфармаси маблағи ҳисобидан амалга оширилади.

Диққат: 500 млн. сўмгача қийматда бўлган объектларни қуриш ва реконструкция қилиш бўйича ишларни бажариш учун пудрат ташкилотларини танлаш фақат кичик бизнес субъектлари ўртасида амалга оширилади.

Талабгор сифатида катнашаётган корхона ва ташкилотлар кўйидаги талабларга жавоб беришлари керак: танлов савдо предметининг 20 фоиздан кам бўлмаган миқ-

дориди айланма маблағга ёки кўрсатиб ўтилган маблағни беришига банк кафолатномасига, ишлаб чиқариш базасига, ишлар (хизматлар)ни бажариш учун зарур бўлган меҳнат ресурсларига, мутахассисларнинг мавжудлигига, танловдаги ишнотга ўхшаш объектларда ишлаш тажрибасига эга бўлган, етарли касбий, техникавий малакага, молиявий имкониётларга, шартнома тузиш юзасидан фуқаролик муомала ҳуқуқий лаёқат ва ваколатларга эга, тажрибали ва ишончли бўлишлари шарт.

Маҳаллий ва хорижий қуриш ташкилотлари танлов савдоларида катнашаётганда танлов тақлифларини баҳолашда маҳаллий талабгорларга кўйидаги нарх кўрсаткичлари ҳисобга олинади.

Катнашчиларнинг тижорат тақлифларининг тенг шартларга келтириш мақсадида улар бўйича қонун ҳужжатларига мувофиқ импорт қилувчилар қўшилган қиймат солиғидан озод қилинадиган товарлар (ишлар, хизматлар)ни импортга етказиб бериладиган тендер тақлифлари катнашчиларнинг тендер тақлифларини баҳолашда кўрсатиб ўтилган солиқ суммаси кўшимча равишда ҳисобга олинади.

Савдода катнашиш ва танлов ҳужжатларига эга бўлиш учун сўровнома билан савдо ташкилотчиси Қурилишда танлов савдолари ва нархларни шакллантириш Наманган вилояти ҳудудий консалтинг марказига кўйидаги манзилга Наманган шаҳар Навоий кўчаси 22-уй, Тел.факс (8-369) 227-94-30, 227-91-47 мурожаат қилиш мумкин.

Танлов ҳужжатларининг битта тўплами нархи - 100 000 сўм. Таклифлар (офёрталар) савдо ташкилотчиси томонидан юқоридаги манзилда қабул қилинади.

Таклифлар (офёрталар)ни савдо ташкилотчисига тақдим этишининг охириги муддати офёрталарнинг очилиш куни ва соати.

Таклифлар матбуотда эълон чоп этилган кундан бошлаб ўттиз кундан кейин кўйидаги манзилда очилади: Наманган ш. А.Навоий кўчаси 22-уй.

Вниманию руководителей организаций и предприятий! КОЗЯЙСТВЕННОЕ УПРАВЛЕНИЕ МВД РЕСПУБЛИКИ УЗБЕКИСТАН ОБЪЯВЛЯЕТ КОНКУРСНЫЕ ТОРГИ ПО ОБЪЕКТУ:

«Капитальный ремонт детского сада №1/36 ХОЗУ МВД Республики Узбекистан».

Стартовая цена заказчика составляет - 1 559 878 742 сум с НДС.

Стартовая цена заказчика составляет - 1 299 898 951 сум 66 тийин без НДС.

Срок завершения работ - 31 августа 2014 года.

Финансирование проекта будет осуществляться за счет внебюджетных средств заказчика.

Организатор торгов: Ташкентский областной территориальный консалтинговый центр по конкурсным торгам и ценообразованию в строительстве Государственного комитета по архитектуре и строительству Республики Узбекистан.

Заказчик: Хозяйственное управление МВД Республики Узбекистан.

Адрес заказчика: г.Ташкент, ул.Юсуфа Хос Хожича 4. К претендентам на участие в конкурсных торгах предъявляются следующие квалификационные требования: оборотных средств, в размере 20% от расчетной стоимости предмета конкурсных торгов или поручительство банка на предоставление указанных средств, производственной базы, трудовых ресурсов и специалистов, необходимых для выполнения работ (услуг), гражданская правоспособность и полномочия на заключение договора, наличие опыта работы на объектах, аналогичных конкурсной объекту, предоставление сведений о ранее выполненном объеме работ собственными силами, намеряемому объему работ планируемом к выполнению собственными силами на конкурсной объекте.

При участии в конкурсных торгах отечественных и зарубежных организаций, для оценки их конкурсных предложений предусматриваются следующие ценовые преференции: при проведении оценки конкурсных предложений участников с импортной поставкой работ (услуг), по которым импортеры в соответствии с законодательством освобождаются от налога на добавленную стоимость, досчитываются на сумму указанного налога.

Для участия на торгах и приобретения конкурсной документации необходимо обратиться с запросом к организатору торгов по адресу: г.Ташкент ул. Навои, дом 18. 308/311 комнаты. Телефон(факс): 241-15-26, 241-15-32. Стоимость одного комплекта конкурсной документации - 150 000 (сто пятьдесят тысяч) сум.

Последний срок представления оферт организатору торгов приурочен ко дню и часу вскрытия оферт по адресу: г.Ташкент, ул.Юсуфа Хос Хожича 4. Вскрытия оферт состоится по истечении 30 дней после публикации объявления.

Advertisement for 'Ustozlarim muborakbod etamiz!' featuring a globe, pencils, and a globe. Text: Барча устозларни 1 октябрь — Ўқитувчи ва мураббийлар куни билан чин дилдан қутлаймиз. Сизларга мустаҳкам соғлиқ, тинчлик-хотиржамлик тилаймиз. Мустақил Ватанимизнинг тараққиёти, фарзандларимизнинг келажаги йўлида меҳнат қилаётган юртдошларимизнинг оиласидан файзу барака аримасин. Ёшларга таълим-тарбия беришдек эзгу ишларингизда омад ва куч-қувват тилаймиз. ҚОРАҚАЛПОҒИСТОН РЕСПУБЛИКАСИ ЕР ТУЗИШ ВА КЎЧМАС МУЛК КАДАСТРИ ХИЗМАТИ ДУК ЖАМОАСИ

О Реклама ва эълонлар

Advertisement for polypropylene bags. Text: Кўйидаги турдаги ПОЛИПРОПИЛЕН ШПАГАТЛАРИ пул кўчириш йўли билан сотилади: 1. Сомон, хашак боғловчи (сеновзальный). «Прессподборщик» машиналари учун. 2. Хўжалик ишлари учун (упаковочный). Маҳсулот сертификатланган. Тел: (+99893) 382-89-14, 582-57-95.

Утвирные: диплом РВ № 891600 выданный в 1988 г. и удостоверение № 2995 (об окончании интернатуры по специальности «эксперт-гинеколог») выданный в 1989 г. — ТашОСММИ на имя Саидовой Камолы Мураддуллаевны, считать действительными. Утвирные кадастровые документы: гувоҳнома (на земельный участок: 21.12.2009 г., ОУ 253919/1865-67; на здание: 21.12.2009 г., ТА 0870170/303-21) на магазин по адресу: г. Ташкент Бектемирский р-н «Куйлук» буюм бозори худуди принадлежачие ООО «MIRTAAYORLOVSAVO», считать действительными. Утвирные: план квартиры расположенной по адресу: г. Ташкент М. Улугбекский р-н ул. Пушкина-Тилешская д. 2 кв. 8 выданный БТИ М. Улугбекского р-на на имя Ибаева Фурката Холматовича, считать действительными.

Footer containing contact information for the newspaper, including phone numbers, email, and address. Includes a QR code and ISSN information.